

Morning Dogri (NSD) National News Bulletin 27-01-2025

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली च एनसीसी दी सलाना रैली गी संबोधत करगंन।
- उत्तराखंड अज्जै थमां समान नागरिक संहिता—यूसीसी गी लागू करने जा'रदा ऐ।
- उत्तर प्रदेश सरकारै प्रयागराज दे महाकुंभ क्षेत्र गी अज्जै थमां "वाहन रैहत" क्षेत्र घोषत करी दित्ता ऐ जित्थें कुसै बी गड्डी दे जाने दी इजाजत नेई होग।
- कोलाम्बिया नै अमरीका चा बेदखल कीते गेदे अपने नागरिकें गी मुख्य वापस आहन्नने लेई विशेष जहाज भेजने दा फैसला लैता ऐ।
- महिला हॉकी इंडिया लीग दा पैहला पैहला खताब ओडिशा वारियर्स नै जे.एस.डब्ल्यू सूरमा हॉकी क्लब गी रहाइयै जित्ती लैता ऐ।

<><><><><><>

PM-NCC Rally

प्रधानमंत्री नरेन्द्र मोदी होर अज्ज नमीं दिल्ली दे करिचप्पा परेड ग्राउंड च राष्ट्री कैडेट कोर दी सलाना प्रधानमंत्री रैली गी संबोधत करगंन। इस ब'रे एनसीसी पी.एम. रैली दा विशे होग "युवा शक्ति, विकसित भारत"। इस दरान एनसीसी दे 8 सौ कोला मते कैडेट सांस्कृतिक कार्यक्रम प्रस्तुत करगंन, जिंदे च राष्ट्र निर्माण लेई एनसीसी दी निष्ठा ते प्रतिबद्धता गी दर्शायी जाग। रैली च 18 मित्तर मुखें दे 144 युवा कैडेट बी हिस्सा लेंगन। एहदे अलावा "मेरा युवा भारत" ते "शिक्षा मंत्रालय ते जनजातीय मामले मंत्रालय कन्नै सरबंधी साददे 6 सौ कोला मते स्वयं सेवी बी चेचे परौहने दे रूपै च शामिल होंगन।

<><><><><><>

UCC Uthrakhand

उत्तराखंड अज्जै थमां समान नागरिक संहिता—यूसीसी गी लागू करने जा'रदा ऐ। देसै च यूसीसी लागू करने आला एह पैहला राज्य होग। इस कनून कन्नै समाज च बरोबरी ते सब्बने नागरिकें लेई इक बरोबर अधिकार ते जिम्मेवारियां जकीनी बनी जांगन।

मुख्यमंत्री पुष्कर सिंह धामी होरें आखेआ ऐ जे मंजूरी ते सरबंघत मलाजमें दी सिखलाई सने यूसीसी लागू करने दियां सब्बै तैआरियां मुकम्मल करी लैतियां गेदियां न। यूसीसी अधिनियम, राष्ट्रपति हुंदी मंजूरी दे बाद पिछले ब'रे 12 मार्च गी अधिसूचित कीता गेआ हा। मुख्यमंत्री होरें आखेआ जे यूसीसी दे लागू होने कन्नै समाज च इक रूपता औग ते ब्हाह, तलाक, विरासती अधिकार, जिमीं जयदाद दे अधिकारें सनें निजी ते व्यक्तिगत मामले च बीह र इक नागरिक पर इक्कै जनेह नियम लागू होंगन ते कुसै कन्नै बी धर्म जाति जां कुसै होर लिहाज कन्नै कोई फर्कोफर्की नेई रौहग।

<><><><><><>

Mahakumbh

उत्तर प्रदेश सरकार नै प्रयागराज दे महाकुंभ क्षेत्र गी अज्जै थमां “वाहन रैहत” क्षेत्र यानि ऐसा इलाका घोषत करी दित्ता ऐ जित्थें कुसै बी गड्डी दी आओजाई दी इजाजत नेई होग। एह फैसला 29 जनवरी गी मौनी मस्सेया दे मौके पर रश गी ध्यानै च रखदे होई लैता गेआ ऐ। भीड़ पर निगरानी ते काबू रखने लेई इक एकीकृत कंट्रोल रूम बी बनया गेआ ऐ जिसी सक्रिय करियै इस दरान लोकें दे रश कारण कुसै बी चाल्ली दी दिक्कत परेशानी पेश नेई औने इस पैहल गी जकीनी बनाया जा करदा ऐ। तुरत कारवाई आलियां आमां बी तैनात कीतियां गेदियां न तां जे लोड पोने पर लोडचदी कारवाई कीती जाई सकै।

<><><><><><>

Chess Tata

टाटा स्टील शतरंज मास्टर्स 2025 च कल ग्रैंडमास्टर रमेश बाबू प्रज्ञाननंदा ते विश्व चैंपियन डी. गुकेश बश्कार 8में राउंड दी दिलचस्प बाजी ड्रा रेही। नीदरलैंडस च खेड्डी जा'रदी इस प्रतियोगिता च एह दवै खडारी 8 बाजिएं च साढ़े 5—साढ़े 5 अंक लेइयै अगगे चले करदे न। बर्लिन डिफेंस दे खलाफ चिट्टे रंग दे मोरि कन्नै खेडदे होई प्रज्ञाननंदा लेई सिीति साजगार लग्गे करदी ही, पर गुकेश उपरोतली बचाह आले मोड़ च खेड्डा करदे न।

<><><><><><>

Amit Shah

केन्द्री गृहमंत्री अमित शाह होर अज्ज महाकुंभ च हिस्सा लेने आस्तै उत्तर प्रदेश जांगन। शाह होर त्रिवेणी संगम दे पवित्र जल च डुबकी लांगन जिस थाहर गंगा, यमुना ते सरस्वती नदियां मिलदियां न। मेद ऐ जे गृहमंत्री होर शंकराचार्य पूरी ते शंकराचार्य द्वारका हुंदे सनें किश संतें कन्नै मुलाकात करगंन।

<><><><><><>

Farmer Welfare Minister

केन्द्री राई-बाई ते करसान कल्याण मंत्री शिवराज सिंह चौहान होरें जोर देइयै आखेआ ऐ जे करसानें उे सशक्तिकरण ते खुशहाली आस्तै केन्द्र सरकार हर संभव कोशश करा'रदी ऐ। एह गल्ल उनें 76में गणतंत्र दिवस दे मौके सरकार आस्सेआ सददे दे करसानें कन्नै रू-ब-रू होंदे होई नमीं दिल्ली च आक्खी। चौहान होरें नमीं राई-बाई दी तकनीकें दी महत्वतापर लोह पाई ते आखेआ जे तकनीक दा इस्तेमाल करसानें दे मसलें गी हल करने आस्तै कीता जा'रदा ऐ। मंत्री होरें खेत्तरें थमां उपभोक्ता तंत्र गी लागू करने पर जोर पाया, जेहृदा मकसद करसानें गी अपने उत्पाद सिद्दे उपभोक्ताएं गी बेचने आस्तै काबल बनाना ऐ जेहृदे कन्नै बिचौलिए दी भूमका घट्टी जाग ते करसानें गी मते िमां मता लाह थहोग।

<><><><><><>

Keral

केरल च 2 महिलां सनें 4 लोकें दी डुब्बने कन्नै मौत होई गई। एह हादसा उसलै पेश आया जिसलै एह लोक कोजिकोड़े दे थिक्कोडी बीच परा पानी दी तेज लैहरें दे लपेटे च आई गे। वायनाड़ जिले दे कलपेटा थमां 5 जनें दा समूह इस थाहरे पर आए दा हा।

<><><><><><>

US-Columbia

कोलम्बिया नै अपने नागरिकें गी मुख्य वापस आहन्ने लेई अपना विशेष जहाज होडुंरास भेजने दा फैसला कीता ऐ। कोलंबिया दे राष्ट्रपति गुस्तावो पेत्रो होरें आखेआ ऐ जे ओ अपने नागरिकें दी बाइज्जत वापसी लेई चेचे तौरा पर जहाज उपलब्ध करागंन।

एहदे शा पैहले उनें अमरीका थमां बेदखल कीते गेदे लोकें गी लेइयै आए दे जहाजें गी उतरने दी इजाजत नेई ही दित्ती। एहदे बाद अमरीकी राष्ट्रपति डोनाल्ड ट्रंप होरें कोलंबिया पर तुरत प्रभाह कन्ने 25 फीसद टैक्स बी लाई दित्ता ते इक हफते अंदर इसी बधाइयै 50 फीसद करने दी बी घोशणा करी दित्ती ही। दौनें मुल्खें बश्कार तनोतनी उसलै होर बधी गेइ जिसलै गुस्तावो पेत्रो होरें एलान कीता जे ओ अमरीकी ब्हाई फौज दे जहाजें गी उतरने दी इजाजत नेइ देग। उनें आखेआ जे अमरीका ओहदे नागरिकें कन्ने अपराधिक आंगर दा सलूक करा करदा ऐ इस करियै ओह अपने नागरिकें दे सम्मान लेई आपूं उनेंगी आहन्ने लेई चेचे तौरा पर जहाज भेजोग।

<><><><><><>

Hockey

महिला हॉकी इंडिया लीग पैहला पैहला खताब ओडिशा वारियर्स ने जेएसडब्ल्यू सूरमा हॉकी क्लब गी कड़ी टक्कर दिंदे होई 2-1 कन्ने हराइयै जित्ती लैता ऐ। रूतूजा दादासी पिंगल गी 2 बेहतरिन गोल करने आस्तै प्लेयर ऑफ द मैच घोशत कीता गेआ। पुरस्कार बंडने दे समारोह च झारखंड दे मुख्यमंत्री हेमंत सोरेन होरें ओडिशा वारियर्स दी कप्तान नेहा गोयल होरें गी ट्रॉफी दित्ती ते टीम गी शुभकामनां दित्तियां।

<><><><><><>

U-19 Women T-20

आईसीसी अंडर-19 महिला टी-20 क्रिकेट विश्व कप च भारत नै सैमीफाइनल च अपनी थाहर पक्की करी लैती ऐ। कल उप्पे कुआलालंपोर च बंगलादेश गी 8एं विकटें दे नुकसान पर 64 रंज बनाए जेहदे परते च भारत नै छडे 7एं ओवर ते 1 गेंद खेडिडयै मैच जिती लैता। तृषा नै 21 गेंदे च 8 चौके दी मदद कन्ने 40 रंज बनाए। कल फाइनल सुपर सिक्स मैच च भारत दा मकाबला स्काटलैंड कन्ने होग।

<><><><><><>

IMD

मौसम विभाग नै हिमाचल प्रदेश, राजस्थान ते पंजाब च अज्ज सीत लैहर दे आसार दस्से न।
उत्तर प्रदेश, ओडिशा, असम, मेघालय, नागालैंड, मणिपुर, मिजोरम ते त्रिपुरा च अगले दऊं
दिनें तगर बडले ते रातीं लै घनी धुंध पौने दी संभावना ऐ। जिसलै जे अगले हफते पच्छमी
हिमालय दे किश इलाके च बरखा दे कन्नोकन्नी बर्फबारी दे बी इमकान दस्से गे न।

<><><><><><>